



Pou Piblikasyon Imedya: 26/01/2021

GOUVÈNÈ ANDREW M. CUOMO

GOUVÈNÈ CUOMO BAY NOUYÒKÈ YO MIZAJOU SOU PWOGRAM VAKSINASYON ETA A

Jiska 11am jodi a, sit distribisyon swen sante New York yo te administre 93% nan premye dòz yo te resevwa nan men Gouvènman Federal la

Tablodbò Vaksen an pral ajou chak jou pou bay mizajou sou pwogam vaksinasyon eta a; ale sou ny.gov/vaccinetracker

Jodi a, Gouvènè Andrew M. Cuomo te bay Nouyòkè yo mizajou sou pwogram vaksinasyon eta a. Jiska 11am jodi a, sit distribisyon swen sante New York yo te resevwa 1,304,050 premye dòz epi yo te déjà bay 93 poustan oswa 1,210,339 premye dòz vaksen epi 74 poustan nan premye ak dezyèm dòz yo. Livrezon alokasyon semèn 7 gouvènman federal la p ap kòmanse rive anvan mitan semèn sa.

"Nou konnen vaksen an se zam k ap met fen nan lagè a. Se poutèt sa New York te konstrui yon enfrastrikti founisè ak sit tanporè pou pran vaksen nan bra rapidman epi san pati pri, an mas. Sèl pwoblèm nan - nou pa gen ase apwovizyonman," **Gouvènè Cuomo te deklare.** "Se pa sèlman yon pwoblèm New York, sa ap pase nan peyi a. Administrasyon anvan an te louvri vàn kalifikasyon an epi olye li te ogmante apwovizyonman an, yo te diminye li anfèt. Nou gen demann ak enfrastrikti anplas pou bay plis pase 100,000 vaksen pa jou fasilman, men, men nou mare - nou bezen plis apwovizyonman!"

Gwo rezo distribisyon ak gran kantite popilasyon moun ki elijib New York yo lajman depase kantite apwovizyonman vaksen gouvènman federal la ap bay la. Byenke gouvènman federal la te agrandi chan elijiblite pou vaksen an pou gen ladan 7 milyon Nouyòkè, apwovizyonman vaksen gouvènman federal la bay la te redui aktyèlman. Piske apwovizyonman an limite, nou ankouraje Nouyòkè yo pou yo rete pasyan e nou konseye yo pou yo pa prezante nan sit vaksinasyon yo san randevou.

Chif pwogram vaksinasyon yo se pou dòz ki distribye epi livre nan New York pou pwogram vaksinasyon an, e yo pa genyen ladan yo sa ki rezève pou pwogram Etablisman Swen Alontèm gouvènman federal la. Men yon repatisyon done sou baz kantite ki repòte bay Eta New York a 11:00 AM jodi a:

REPATISYON NAN TOUT ETA A

- Premye Dòz yo Resevwa - 1,304,050
- Premye Dòz yo Bay - 1,210,339; 93%
- Dezyèm Dòz yo Resevwa - 564,600
- Dezyèm Dòz yo Bay - 166,640

Rejyon	Kantite Dòz yo Resevwa Ototal (1ye ak 2yèm)	Kantite Dòz yo Bay Ototal (1ye ak 2yèm)	% Total Dòz yo Bay/Resevwa (1ye ak 2yèm)
Capital Region	117,640	90,552	77%
Central New York	95,265	86,958	91%
Finger Lakes	118,250	91,793	78%
Long Island	229,520	172,500	75%
Mid-Hudson	179,475	122,017	68%
Mohawk Valley	53,070	30,460	57%
New York City	842,025	602,083	72%
North Country	50,945	33,581	66%
Southern Tier	52,300	39,862	76%
Western New York	130,160	107,173	82%
Nan tout Eta a	1,868,650	1,376,979	74%

	Semèn 1 Dòz k ap vini nan dat 12/14 - 12/20	Semèn 2 Dòz k ap vini nan dat 12/21 - 12/27	Semèn 3 Dòz k ap vini nan dat 12/28 - 01/03	Semèn 4 Dòz k ap vini nan dat 01/04 - 01/10	Semèn 5 Dòz k ap vini nan dat 01/11 - 01/17	Semèn 6 Dòz k ap vini nan dat 01/18 - 01/24
1ye dòz livrezon konplè yo bay New York pou Sit Distribisyon	90,675	392,025	201,500	160,050	209,400	250,400

Swen Sante yo						
2yèm dòz livrezon konplè yo bay New York pou Sit Distribisyon Swen Sante yo	0	0	0	90,675	45,825	428,100
TOTAL	90,675	392,025	201,500	250,725	255,225	678,500
KIMILATIF		482,700	684,200	934,925	1,190,150	1,868,650

Jiskaprezan, sit distribisyon swen sante New York yo te administre 93 pousan premye dòz ke yo te resevwa nan men gouvènman federal la men akòz repatisyon limite gouvènman federal la, randevou yo te ranpli byen vit. Pou w detèmine si w elijib ak pran yon randevou nan yon sit vaksinasyon an mas eta a jere, ou ka vizite sitwèb '[Eske M
Elijib \(Am I Eligible\)](#)' a. Nouyòkè yo kapab rele depatman sante, famasi, doktè oswa lopital lokal yo pou yo jwenn plis enfòmasyon ak pou yo pwograme randevou yo kote vaksen yo disponib.

[Tablodbò pou Swivi Vaksen Kont COVID-19](#) (COVID-19 Vaccine Tracker Dashboard) la disponib pou mete Nouyòkè yo ajou sou distribisyon vaksen COVID-19 la. Depatman Sante (Department of Health, DOH) Eta New York la egzije etablisman k ap bay vaksen yo pou yo rapòte done pou tout vaksen kont COVID-19 yo bay nan yon delè 24 èdtan; done sou kantite vaksen yo bay yo ap ajou chak jou sou tablodbò a pou reflete mezi ki pi ajou yo nan kad efò vaksinasyon eta a.

Yè, Gouvènè a te anonse lansman yon nouvo liy ijans ki konsantre sou fwod ki konsène vaksen an. Nouyòkè ki sispek fwod nan pwoesisis distribisyon vaksen an ka rele kounye a nan 833-VAX-SCAM (833-829-7226) oswa voye imel bay Depatman Sante a nan STOPVAXFRAUD@health.ny.gov. Anplwaye liy ijans yo ap achemine plent yo bay ajans envestigasyon ki apwopriye yo pou asire ke Nouyòkè yo pwofite de travay Eta a pou vaksinen tout popilasyon ki kalifye a.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)